

FPP BizNewz

June - November 2022

MANAGEMENT • INVESTMENT • ECONOMICS • ENTREPRENEURSHIP • TECHNOLOGY

Endometriosis

Sejauh Mana Kesedaran Anda?

Personal Shopper

What You Need To Know

Sustainable Packaging in eCommerce

A Few Solutions to Protect the Planet

Type text here

How To Teach Your Children To Pack Their Backpacks For Travel? An Easy Guide

A Short Vacay in Hat Yai

My Sister, My Best Friend

Kredit Mikro di Malaysia

H0BI



Publication Date
8 November 2022

Photo by Matt Chambers on Unsplash

Oleh:

1Nurul Syuhada Baharuddin, 1Roseziahazni

Abdul Ghani, 2Nor Haryanti Md Nor,

2Nadia Farleena Mohd Aznan & 2Yusrina

Hayati Nik Muhammad Naziman,

1Universiti Teknologi MARA Cawangan

Terengganu, Malaysia.

2Universiti Teknologi MARA Cawangan Kelantan, Malaysia.

Corresponding Email: nurul574@uitm.edu.my

'Microfinance' juga lebih dikenali sebagai pembiayaan atau spektrum perkhidmatan kewangan termasuklah pinjaman, insurans, simpanan dan lain-lain perkhidmatan yang berkaitan yang disediakan kepada golongan berpendapatan rendah.



KREDIT MIKRO DI MALAYSIA

eISSN 2600-9811

66

Sebaliknya, 'Microcredit' merujuk kepada kredit mikro yang ditawarkan kepada golongan berpendapatan rendah dan di bawah garis kemiskinan. Mereka biasanya terdiri daripada mereka yang di luar kemampuan menyediakan cagaran, pekerjaan yang kurang stabil malah tiada rekod atau sejarah kredit yang baik. Mereka juga tidak mempunyai akses kepada perkhidmatan bank yang asas dan tidak layak memohon atau mendapatkan pembiayaan perbankan secara tradisional. Pinjaman yang disediakan bercirikan kadar faedah yang rendah, untuk membantu usahawan kecil memulakan perniagaan mereka sendiri atau bekerja sendiri.

Konsep kredit mikro telah diperkenalkan di Bank Grameen, Bangladesh pada tahun 1983. Kredit mikro adalah kemudahan pinjaman yang ditawarkan kepada golongan miskin manakala 'microfinance' adalah pelbagai perkhidmatan kewangan termasuklah kredit mikro. Justeru itu, kredit mikro boleh diklasifikasikan sebagai salah satu komponen pembiayaan mikro atau 'microfinance'. Kredit mikro hanya tertumpu kepada aktiviti kredit, tetapi pembiayaan mikro adalah termasuk kredit dan aktiviti bukan kredit seperti simpanan,

pencen, insurans, dan lain-lain.

Sepanjang kredit mikro diperkenalkan di Malaysia, banyak impak dan kesan positif diterima oleh masyarakat kita. Ia bukan sahaja membantu meningkatkan tahap pendapatan orang miskin tetapi juga meningkatkan taraf hidup mereka. Mereka tidak lagi bergantung harap kepada pinjaman bank yang mengenakan faedah yang tinggi malah harta benda mereka seperti rumah dan tanah tidak diperlukan sebagai cagaran, bahkan mereka tidak memerlukan penjamin untuk menyokong permohonan pinjaman. Syarat permohonan yang lebih longgar dan kelulusan yang lebih mudah telah membolehkan mereka yang menggunakan perkhidmatan kredit mikro lebih tenang menjalani kehidupan seharian untuk menyara keluarga tercinta.

Di Malaysia, Amanah Ikhtiar Malaysia (AIM) telah mempelopori konsep kredit mikro yang diadaptasi dari skim yang ditawarkan oleh Bank Grameen di Bangladesh pada tahun 1988 yang mensasarkan golongan miskin bagi membantu mereka untuk menubuhkan perusahaan mikro. Diikuti pula oleh Yayasan Usaha Maju (YUM) dan Tabung Ekonomi Kumpulan Usaha Niaga (TEKUN) pada tahun 1988

dan 1998.

Mikro kredit dan pembiayaan mikro dilihat sebagai faktor penting dalam pembangunan negara dalam usaha meningkatkan status ekonomi negara dan taraf hidup rakyat agar mampu keluar dari kepompong kemiskinan.

Sekitar Mac 2022, Program Pembiayaan Mikro bernilai RM48.52 juta telah dibuka kepada usahawan informal dan mikro untuk membuat pinjaman sehingga RM50,000 tanpa mengambil kira rekod pinjaman peribadi dalam CTOS dan Sistem Maklumat Rujukan Kredit Pusat (CCRIS). Skim pinjaman khusus ini telah ditawarkan oleh kerajaan sebagai tanda prihatin dengan kesulitan dan nasib rakyat ekoran Covid-19 yang menyukarkan mereka menjalankan perniagaan akibat perintah kawalan pergerakan (PKP) dan musibah banjir yang baru berlaku ketika itu. Melalui skim tersebut, usahawan informal yang terjejas boleh memohon pinjaman sehingga maksimum RM10,000 manakala usahawan mikro sehingga RM50,000 tanpa faedah.

Mereka juga diberikan moratorium selama 12 bulan serta tempoh bayaran balik sehingga lima tahun. Pengerusi Majlis Pembangunan Usahawan dan Koperasi


Parlimen (MPUKP) juga telah dilantik dan dipertanggungjawabkan untuk mengadakan pelbagai program keusahawanan bagi meningkatkan peluang perniagaan. Ia seiring dengan dapatan kajian oleh Suraya Hanim (2011) yang menyatakan bahawa dalam industri kredit mikro Malaysia, ramai peminjam yang tidak celik kewangan dan kurang pengetahuan dalam pengurusan perniagaan. Ia disokong lagi dengan dapatan kajian oleh Suraya Hanim & Zariyawati (2015) yang menyarankan agar peminjam mikro perlu diberi pengetahuan berkaitan kemahiran keusahawanan dan kemahiran teknikal yang berterusan bagi memastikan kejayaan mereka mengusahakan perniagaan.

Kerajaan telah memainkan peranan dengan baik dan telah memberikan sokongan yang tidak berbelah bahagi dari segi bantuan kewangan untuk memacu perniagaan mikro. Namun, peminjam mesti dilengkapi dengan pengetahuan asas keusahawanan sebelum pinjaman mikrokredit diberikan kepada mereka untuk menjadikannya lebih berkesan dalam mengurangkan kemiskinan dan lebih mampan di masa hadapan.

Rujukan:

1. Perbezaan Antara

- Pembiayaan Mikro dan Kredit Mikro. <https://ms.weblogographic.com/difference-between-microfinance-and-microcredit-48200>
2. Salehudin Mat Rasad, 22 Mac 2022. RM48.52 juta program pembiayaan mikro untuk peniaga kecil dan sederhana. <https://www.utusan.com.my/nasional/2022/03/rm48-52-juta-program-pembiayaan-mikro-untuk-peniaga-kecil-dan-sederhana/>
3. Suraya Hanim, M. & Zariyawati, M.A. (2015). Issues and Challenges Microcredit in Malaysia. Asian Social Science. Vol. 11, No. 26, muka surat 191-195. https://www.researchgate.net/publication/283880059_Issues_and_Challenges_of_Microcredit_Programmes_in_Malaysia?
4. Suraya Hanim, M. (2011). Microfinance Performance in Malaysia (Unpublished Doctoral Dissertation). Lincoln University. Christchurch. New Zealand. https://www.researchgate.net/publication/277158433_Microfinance_performance_in_Malaysia
5. Team Loanstreet. Pembiayaan Mikro/ Mikro Kredit di Malaysia. 27 Julai 2021. <https://loanstreet.com.my/ms/pusat-pembelajaran/pembiayaan-mikro-mikro-kredit-di-malaysia>





BizNewz 2022
Faculty of Business and Management
Universiti Teknologi MARA Cawangan Terengganu, Kampus Dungun
Sura Hujung, 23000 Dungun, Terengganu, MALAYSIA
Tel: +609-8400400
Fax: +609-8403777
Email: biznewzuitm@gmail.com